

LECTORI AUCTOR.

En libellum, mole parvum, gravem materie, nec sine labore natum. Auctior ille prodit, & locis quibusdam paulo explicatior. Regulas vero promittit, quae causas morborum expedire, atque eventus secundare, possint. Experimenta huic quidem necessaria operae Graecorum industria, diligentia Arabum, & Paucorum inter Recentiores accuratio, suppeditavit. Anatomie vero, & Mechanice, Nostris cultior, ratiocinio filum & fundamenta dedit. Utraque fida! quidquid ignari clament aut invidiosi obtrepant. Oderunt quippe & calumniantur isti, quae nec attingere valent: non ergo, nisi sibi met, vocali ignorantia nocent. Ubi autem dum affectibus indulgent, inania Paradoxorum & damnosae novitatis crimina obtentui sumunt, risum mehercule rerum gnaris excitant! Qui antiqua scrutati, nova non ignorant, videbunt quid praestitum sit. Et hos ego solos

* 2

ido-

LECTORI AUCTOR.

idoneos operis iudices agnosco. Sciant autem Hi, quos equidem veneror in privatos haec exarata usus; assequantur ita & ordinis simul, & brevitatis, causas. Auctores non citavi, quum nimii, vel nulli, nominandi essent. Nec speciosos Medicamentorum titulos morbis addidi. Cur? nihil arti exitiale magis novi; neque vero ipse ullum cognosco, quin solo tempestivo usu tale fiat; hunc vero ubique indicare annisus sum non perfunctorie. Postremo omnia haec stylo scripta in Arte recepto magis, quam ad puritatem Augustaei seculi expolito; facilius enim ille capitur, huic forte Interprete foret opus; saltem plus exegisset, quam quo fruor, otii. Vale!

IN-